

Prema odredbama Zakona o igrama na sreću („Službene novine Federacije BiH“, br. 48/15 i 60/15), te odredbama Pravilnika o sadržaju pravila, uslovima i načinu priređivanja nagradnih igara („Službene novine Federacije BiH“, br. 30/16, 63/19, 92/20, 12/22, 67/23 i 53/24) agencija degordian BH d.o.o Mostar donosi sljedeća

PRAVILA NAGRADNE IGRE „LOJALNOST VRIJEDI JER SREĆA TE SLIJEDI!“

1. OSNOVNE INFORMACIJE O PRIREĐIVAČU NAGRADNE IGRE

Priređivač nagradne igre (u daljem tekstu: Organizator) je degordian BH d.o.o. Mostar, sa sjedištem u Biskupa Čule bb Mostar, JIB 4227740420002, za klijenta Holdina d.o.o. Sarajevo (u daljem tekstu: Klijent).

2. NAZIV NAGRADNE IGRE

Naziv nagradne igre je „**LOJALNOST VRIJEDI JER SREĆA TE SLIJEDI!**“.

3. TRAJANJE I SVRHA NAGRADNE IGRE

- 1) Nagradna igra traje u periodu od 7. 7. 2025. (00:01 sati) do 7. 9. 2025. (23:59 sati), a priređuje se u svrhu promocije proizvoda i usluga te unapređenja prodaje proizvoda na Klijentovim maloprodajnim mjestima.
- 2) Nagradna igra organizira se na teritoriji Federacije Bosne i Hercegovine.
- 3) Organizator će prije početka nagradne igre, objaviti Pravila nagradne igre u jednim dnevnim novinama dostupnim na teritoriji Federacije Bosne i Hercegovine, i navesti broj i datum Rješenja Federalnog ministarstva financija, kojim je data suglasnost na ova Pravila.
- 4) Organizator će obezbijediti sve preduvjete tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.
- 5) Organizator će nagradnu igru provesti pod uvjetima koji su u skladu i sa drugim zakonskim i podzakonskim propisima i opštim moralnim načelima.
- 6) Za vrijeme trajanja nagradne igre, pravila su dostupna i na web stranici <https://ina.ba/>.

4. UVJETI ZA UČESTVOVANJE U NAGRADNOJ IGRI

1) Pravo učešća u nagradnoj igri imaju isključivo fizička lica koji imaju prebivalište u Bosni i Hercegovini, koja su lično članovi INA/EP CLUB programa lojalnosti, posjeduju INA/EP CLUB aplikaciju ili karticu lojalnosti na svoje lično ime i imaju ažurirane podatke (ime i prezime, broj telefona i/ili e-mail adresu) u INA/EP CLUB aplikaciji ili web stranici. Unutar INA/EP CLUB aplikacije ili web stranice INA/EP CLUB programa lojalnosti će se nalaziti Pravila nagradne igre koja učesnici moraju pregledati, odnosno prihvatiti. Prihvatanje Pravila je uslov sudjelovanja u nagradnoj igri. Pravila je dovoljno prihvatiti samo jednom čime svaka iduća kupnja ulazi u bubanj za izvlačenje nagrada. Prihvatom ovih Pravila smatra se da su sudionici iste pročitali i razumjeli. Ukoliko je kupac napravio kupnje kojima je zadovoljio uvjete nagradne igre, a tek je naknadno prihvatio Pravila za sudjelovanje u nagradnoj igri, u program za izvlačenje ulaze samo one kupnje koje su napravljene nakon prihvaćanja ovih Pravila nagradne igre.

Kako bi članovi programa lojalnosti učestvovali u ovoj nagradnoj igri, potrebno je da na bilo kojem INA ili Energopetrol maloprodajnom mjestu na području Federacije Bosne i Hercegovine za vrijeme trajanja nagradne igre natoče Class Plus Expert gorivo ili kupe bilo koji proizvod iz asortimana na INA ili Energopetrol maloprodajnom mjestu, u bilo kojem iznosu, uz uvjet da predmetna kupovina mora uključivati skeniranje INA/EP CLUB kartice ili aplikacije, čime se registrira prijava za učestvovanje.

Jedinstveni broj računa može ući u obzir za osvajanje nagrada u sedmici u kojoj je kupovina obavljena. U slučaju sumnje u ispravnost transakcije Organizator zadržava pravo tražiti na uvid račun o kupovini kao dokaz.

2) Članovi koji učestvuju u nagradnoj igri točenjem najmanje 10 litara Class Plus Expert goriva mogu osvojiti nagrade iz cjelokupnog nagradnog fonda. Članovi koji učestvuju u nagradnoj igri kupovinom Class Plus Expert goriva u količini manjoj od 10 litara ili proizvod iz asortimana na INA ili Energopetrol maloprodajnom mjestu, u bilo kojem iznosu, mogu da osvoje nagrade: JBL prijenosni bluetooth zvučnik CHARGE ESSENTIAL 2, Kartica za gorivo u vrijednosti od 100 KM.

3) Svaki učesnik u nagradnoj igri može učestvovati neograničen broj puta. Ukoliko učesnik bude izvučen više puta i/ili za više različitih nagrada unutar jedne sedmice, pripada mu isključivo jedna i prva nagrada za koju je izvučen bez obzira na vrijednost te nagrade.

4) U nagradnoj igri ne mogu učestvovati osobe mlađe od 16 godina i članovi komisije kao i bilo koje druge osobe koje mogu na bilo koji način uticati na izbor ili organizaciju nagradne igre te članovi njihove uže porodice (Članom uže obitelji se smatraju: bračni odnosno vanbračni partneri, dijete: bračno, vanbračno, usvojeno, pastorče, dijete bez roditelja uzeto na izdržavanje, otac, majka, očuh, maćeha, usvojilac, dedo i nana - po ocu i majci, braća i sestre). Svojom prijavom u nagradnu igru učesnici potvrđuju da nisu članovi komisije kao i bilo koje druge osobe koje mogu na bilo koji način uticati na izbor ili organizaciju nagradne igre te članovi njihove uže porodice.

5) Učešćem u nagradnoj igri učesnici prihvataju ova Pravila nagradne igre.

5. NAČIN I MEHANIZAM IZVLAČENJA DOBITNIKA NAGRADA

1) Javno izvlačenje dobitnika će se održati u prostorijama HOLDINA d.o.o Sarajevo na adresi Ul. Azize Šaćirbegović 4b, Sarajevo u 11h, uz prisustvo Komisije od najmanje 3 člana Klijenta i 1 člana Organizatora. Izvlačenje dobitnika održat će se na sedmičnom nivou kroz 9 krugova. Pod 9 krugova se podrazumijevaju određene sedmice u toku trajanja nagradne igre te se izvlače dobitnici sedmičnih nagrada u svakom krugu, a prema sljedećem rasporedu:

1. KRUG	
7. 7. 2025. - 13. 7. 2025.	UČESTVOVANJE
14. 7. 2025.	IZVLAČENJE 1. KRUGA
18. 7. 2025.	OBJAVA DOBITNIKA 1. KRUGA
2. KRUG	
14. 7. 2025. - 20. 7. 2025.	UČESTVOVANJE
21. 7. 2025.	IZVLAČENJE 2. KRUGA
25. 7. 2025.	OBJAVA DOBITNIKA 2. KRUGA
3. KRUG	
21. 7. 2025. - 27. 7. 2025.	UČESTVOVANJE
28. 7. 2025.	IZVLAČENJE 3. KRUGA
1. 8. 2025.	OBJAVA DOBITNIKA 3. KRUGA
4. KRUG	
28. 7. 2025. - 3. 8. 2025.	UČESTVOVANJE
4. 8. 2025.	IZVLAČENJE 4. KRUGA
8. 8. 2025.	OBJAVA DOBITNIKA 4. KRUGA
5. KRUG	
4. 8. 2025. - 10. 8. 2025.	UČESTVOVANJE
11. 8. 2025.	IZVLAČENJE 5. KRUGA
15. 8. 2025.	OBJAVA DOBITNIKA 5. KRUGA
6. KRUG	
11. 8. 2025. - 17. 8. 2025.	UČESTVOVANJE

18. 8. 2025.	IZVLAČENJE 6. KRUGA
22. 8. 2025.	OBJAVA DOBITNIKA 6. KRUGA
7. KRUG	
18. 8. 2025. - 24. 8. 2025.	UČESTVOVANJE
25. 8. 2025.	IZVLAČENJE 7. KRUGA
29. 8. 2025.	OBJAVA DOBITNIKA 7. KRUGA
8. KRUG	
25. 8. 2025. - 31. 8. 2025	UČESTVOVANJE
1. 9. 2025.	IZVLAČENJE 8. KRUGA
5. 9. 2025.	OBJAVA DOBITNIKA 8. KRUGA
9. KRUG	
1. 9. 2025. - 7. 9. 2025	UČESTVOVANJE
8. 9. 2025.	IZVLAČENJE 9. KRUGA
12. 9. 2025.	OBJAVA DOBITNIKA 9. KRUGA

2) Za izvlačenje dobitnika koristi se računalna aplikacija za izvlačenje dobitnika slučajnim odabirom, u čijoj podlozi se nalaze baze pristiglih prijava.

3) Ukupan broj sedmičnih nagrada je 11. Nagrade će u svakom krugu biti raspoređene, prema sljedećem rasporedu:

Sedmične nagrade	Količina (kom)	Pojedinačna vrijednost nagrade sa PDV (KM)	Ukupno
1 godina besplatnog goriva*	1	KM2.100,00	KM2.100,00
Apple iPhone 16 128 GB Black	1	KM1.620,90	KM1.620,90
PlayStation 5 Slim Digital Edition D chassis + Astro Bot VCH	1	KM912,20	KM912,20
JBL prijenosni bluetooth zvučnik CHARGE ESSENTIAL 2	3	KM299,00	KM897,00
Kartica za gorivo u vrijednosti od 100 KM	5	KM100,00	KM500,00
Ukupan broj sedmičnih nagrada	11		

*Pod jednom godinom besplatnog goriva se podrazumijeva procijenjena vrijednost prosječne godišnje potrošnje goriva.

4) Nagrade se izvlače na sljedeći način, gdje svakom izvučenom dobitniku pripada odgovarajuća nagrada:

1. Izvučeni - 1 godina besplatnog goriva – kartica za gorivo u vrijednosti od 2.100,00 KM
2. Izvučeni - Apple iPhone 16 128 GB Black
3. Izvučeni - PlayStation 5 Slim Digital Edition D chassis + Astro Bot VCH
4. Izvučeni - JBL prijenosni bluetooth zvučnik CHARGE ESSENTIAL 2
5. Izvučeni - JBL prijenosni bluetooth zvučnik CHARGE ESSENTIAL 2
6. Izvučeni - JBL prijenosni bluetooth zvučnik CHARGE ESSENTIAL 2
7. Izvučeni - Kartica za gorivo u vrijednosti od 100 KM
8. Izvučeni - Kartica za gorivo u vrijednosti od 100 KM

9. Izvučeni - Kartica za gorivo u vrijednosti od 100 KM
10. Izvučeni - Kartica za gorivo u vrijednosti od 100 KM
11. Izvučeni - Kartica za gorivo u vrijednosti od 100 KM

Sljedeće nagrade će biti izvučene iz baze transakcija na kojima je evidentirano 10 i više litara Class Plus Expert goriva:

- 1 godina besplatnog goriva,
- Apple iPhone 16 128 GB Black,
- PlayStation 5 Slim Digital Edition D chassis + Astro Bot VCH

Sljedeće nagrade će biti izvučene iz baze svih transakcija:

- JBL prijenosni bluetooth zvučnik CHARGE ESSENTIAL 2,
- Kartica za gorivo u vrijednosti od 100 KM

5) Prvi izvučeni dobitnik osvaja 1 godinu besplatnog goriva (kartica za gorivo u vrijednosti od 2.100,00 KM), drugi izvučeni dobitnik osvaja Apple iPhone 16 128 GB Black, treći izvučeni dobitnik osvaja PlayStation 5 Slim Digital Edition D chassis + Astro Bot VCH, dobitnici izvučeni od rednog broja 4. do 6. osvajaju svaki po 1x JBL prijenosni bluetooth zvučnik CHARGE ESSENTIAL 2, dobitnici izvučeni od rednog broja 7. do 11. osvajaju svaki po 1x karticu za gorivo u vrijednosti od 100 KM. Ukupan broj dobitnika u svakom krugu je 11, a ukupan broj podijeljenih nagrada kroz 9 krugova nagradne igre je 99.

6) Svako sedmično izvlačenje se provodi na način da se najprije izvlači dobitnik nagrade 1 godina besplatnog goriva (kartica za gorivo u vrijednosti od 2.100,00 KM), nakon čega se izvlači deset zamjenskih dobitnika nagrade 1 godina besplatnog goriva.

Nakon toga se izvlači dobitnik nagrade Apple iPhone 16 128 GB Black, nakon čega se izvlači deset zamjenskih dobitnika nagrade Apple iPhone 16 128 GB Black.

Potom se izvlači dobitnik nagrade PlayStation 5 Slim Digital Edition D chassis + Astro Bot VCH, nakon čega se izvlači 10 zamjenskih dobitnika nagrade PlayStation 5 Slim Digital Edition D chassis + Astro Bot VCH.

Nakon toga se izvlače 3 dobitnika nagrade JBL prijenosni bluetooth zvučnik CHARGE ESSENTIAL 2, nakon čega se izvlači 10 zamjenskih dobitnika nagrade JBL prijenosni bluetooth zvučnik CHARGE ESSENTIAL 2.

Na kraju se izvlači 5 dobitnika nagrade Kartica za gorivo u vrijednosti od 100 KM, nakon čega se izvlači 10 zamjenskih dobitnika nagrade Kartica za gorivo u vrijednosti od 100 KM.

7) Zamjenski dobitnici sedmičnih nagrada s popisa se proglašavaju u slučaju da prvobitno izvučeni dobitnici nagrada ne ispunjavaju uslove (poput: ustanovi se da nije prihvatio Pravila ili krši ista, da dobitnik nije ostvario kupovinu, nije unio valjane lične podatke i sl.) ili u slučaju da prvobitne dobitnike nije moguće obavijestiti o osvajanju nagrade u roku od 8 dana, jer je naveo nepostojeću ili pogrešnu adresu ili kontakt telefon. Sudionici u nagradnoj igri nemaju pravo zahtijevati drugačije nagrade ili u većim količinama od one predviđene ovim Pravilima. Nagrade nisu zamjenjive za novac, drugu nagradu, robu ili uslugu.

6. NADGLEDAVANJE ISPRAVNOSTI IZVLAČENJA

1) Komisija za nadgledanje ispravnosti izvlačenja će se sastojati od najmanje:

- Jednog predstavnika Organizatora
- Tri predstavnika Klijenta

2) O toku izvlačenja Komisija će voditi zapisnik koji će minimalno sadržavati:

- a) mjesto, vrijeme i način izvlačenja dobitnika
- b) broj i datum Rješenja Federalnog ministarstva financija,
- c) datum i naziv medija u kojem su pravila nagradne igre objavljena,

- d) imena i prezimena članova komisije,
- e) imena, prezimena i mjesta prebivališta dobitnika,
- f) naziv i vrijednost nagrade pojedinog dobitnika.

7. NAGRADE I VRIJEDNOST NAGRADNOG FONDA

- 1) Ukupan nagradni fond se sastoji od 99 nagrada, ukupne vrijednosti 54.270,90 KM.

NAGRADE	Količina (kom)	Pojedinačna vrijednost nagrade sa PDV (KM)	Ukupno
1 godina besplatnog goriva*	9	KM2.100,00	KM18.900,00
Apple iPhone 16 128GB Black	9	KM1.620,90	KM14.588,10
PlayStation 5 Slim Digital Edition D chassis + Astro Bot VCH	9	KM912,20	KM8.209,80
JBL prijenosni bluetooth zvučnik CHARGE ESSENTIAL 2	27	KM299,00	KM8.073,00
Kartica za gorivo u vrijednosti od 100 KM	45	KM100,00	KM4.500,00
Ukupno	99		KM54.270,90

*Pod jednom godinom besplatnog goriva se podrazumijeva procijenjena vrijednost prosječne godišnje potrošnje goriva.

Nagrade će se dijeliti na sedmičnom nivou, kroz 9 krugova izvlačenja, prema rasporedu iz člana 5.

8. OBJAVA DOBITNIKA

1) Organizator je dužan najkasnije u roku od 8 dana od dana izvlačenja, obavijestiti dobitnike o osvojenim nagradama. Dobitnici nagrada bit će obaviješteni o osvojenoj nagradi putem telefona ili emaila na kontakte evidentirane u bazi INA/EP CLUB programa lojalnosti.

2) Rezultati nagradne igre i imena dobitnika nagrada biće objavljeni i na sljedećim kanalima:

Web stranici <https://ina.ba/>

Facebook stranici <https://www.facebook.com/INAIenergopetrol/>

Instagram nalogu: <https://www.instagram.com/inaienergopetrol/>

Dobitnici se objavljuju nakon izvršene provjere ispunjenosti uvjeta za osvajanje nagrada.

3) Ukoliko zbog okolnosti za koje nije kriv Organizator (dostavljeni pogrešni lični podaci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uvjetima i načinu priređivanja nagradnih igara.

9. MJESTO I ROK PREUZIMANJA NAGRADA

1) Organizator će dobitnicima sedmične nagrade, osvojene nagrade dostaviti preporučenom poštom u roku od najkasnije 30 dana od dana primitka pisane obavijesti o osvojenoj nagradi, na adresu naznačenu u INA/EP Club aplikaciji. Ako dobitnik nagradu dobiva preporučenom poštom i ne bude zatečen na navedenoj adresi, Organizator će ponovo pokušati obaviti dostavu, uz prethodni kontakt s dobitnikom.

2) Ukoliko dobitnik ne želi dostavu nagrade putem pošte, svoju nagradu može preuzeti i osobno, u roku od 30 dana od dana primitka pisane obavijesti o osvojenoj nagradi, i to na adresi Organizatora - Biskupa Čule bb Mostar. Ako

dobitnik ne preuzme svoju nagradu osobno na adresi Organizatora u navedenom roku, dobitnik gubi pravo na nagradu, a Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

Potpisivanjem potvrde o preuzimanju nagrade sve obveze Organizatora prema dobitnicima nagrada prestaju u cijelosti.

3) Dobitnik je dužan svoj identitet prilikom preuzimanja nagrade potvrditi osobnom iskaznicom ili ovjerenom punomoći. Ako dobitnik ne može osobno preuzeti nagradu, odnosno ako je dobitnik maloljetan ili bez poslovne sposobnosti ili ograničene poslovne sposobnosti, nagradu može preuzeti zakonski zastupnik uz osobnu iskaznicu i predloženo rodno lista ili rješenja nadležnog tijela kojim je isti postavljen za skrbnika. Ako je dobitnik nagrade osoba mlađa od 18 godina, nagrada će biti uručena roditelju ili skrbniku maloljetnog dobitnika.

4) Prilikom preuzimanja nagrade dobitnik potpisuje potvrdu o preuzimanju nagrade. Ovisno o načinu dostavljanja nagrade koji je predvidio Organizator u svojim Pravilima, nagrade će biti isporučene putem preporučene pošte s povratnicom ili lično kod Organizatora.

5) Organizator je odgovoran za pravovremeno i točno informiranje učesnika u nagradnoj igri o njegovim pravima i obavezama kod preuzimanja nagrada.

6) Organizator ne preuzima nikakvu odgovornost za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.

7) Porez na dohodak na nagradu ostvarenu učešćem u nagradnoj igri, obračunat će se u skladu sa propisima Zakona o porezu na dohodak FBiH. Organizator u potpunosti preuzima obavezu plaćanja poreza na dohodak za sve nagrade čija vrijednost podliježe plaćanju poreza na dohodak.

10. USLOVI POD KOJIM SE NAGRADNA IGRA MOŽE IZMIJENITI, PREKINUTI ILI OTKAZATI

1) Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

2) U slučaju prekida ili otkazivanja nagradne igre uslijed nastupanja vanrednih okolnosti, Organizator će o navedenom obavijestiti Federalno ministarstvo financija.

3) Federalno ministarstvo financija daje suglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili općepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.

4) Ukoliko nagradni fond nakon završetka nagradne igre ne bude podijeljen učesnicima na način predviđen Pravilima ove nagradne igre (uslijed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida, odnosno otkazivanja nagradne igre uslijed dejstva okolnosti koje imaju karakter više sile, Organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

11. ZAŠTITA LIČNIH PODATAKA

1) Učešćem u nagradnoj igri, učesnici potvrđuju prihvaćanje ovih Pravila i daju suglasnost za prikupljanje i obradu navedenih ličnih podataka isključivo u svrhu provođenja ove nagradne igre i na način kako je to opisano u ovim Pravilima i Informacijama o obradi podataka vezanim za nagradnu igru.

2) Organizator je odgovoran za obradu podataka u skladu sa propisima o zaštiti ličnih podataka, i poduzeti će sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri, u skladu sa važećim propisima, a učesnici imaju pravo da budu informirani o činjenici da se podaci prikupljaju i da budu upoznati sa podacima.

3) Učesnik u nagradnoj igri je odgovoran za davanje tačnih podataka, u cilju provođenja ove nagradne igre.

4) Učesnici prihvatanjem ovih Pravila daju svoju suglasnost da, ako postanu dobitnici nagrada, Organizator može proslijediti njihove lične podatke trećim licima (odabranoj dostavnoj službi) isključivo u svrhu dostave osvojene nagrade u nagradnoj igri, u računovodstvene svrhe radi eventualnog plaćanja poreza na dohodak), isključivo u svrhu provođenja ove nagradne igre.

5) Svojim učešćem u nagradnoj igri učesnici su suglasni da, ako postanu dobitnikom nagrade, njihove lične podatke (ime, prezime i mjesto prebivališta) Organizator može objaviti i iskoristiti bez naknade u štampanom, zvučnom i slikovnom obliku te videozapisu. Učesnici nagradne igre svojim učešćem pristaju na prikupljanje, upotrebu i objavu njihovih ličnih podataka (ime, prezime i mjesto prebivališta) u promotivne svrhe povezane s nagradnom igrom i proizvodima koji su uključeni u nagradnu igru.

6) Organizator će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

7) Učesnik može u bilo kojem trenutku povući svoju suglasnost za obradu ličnih podataka dopisom na adresu Voditelju obrade u skladu sa Informacijom o obradi podataka vezanom za nagradnu igru, i prihvata da takvo povlačenje suglasnosti uzrokuje nemogućnost daljnjeg učešća u nagradnoj igri, odnosno osvajanja i uručjenja nagrade.

12. NADLEŽNOST SUDA

1) Sve žalbe, prigovore i reklamacije rješava Organizator nagradne igre. U slučaju opravdanih pritužbi, Organizator se obavezuje da će ih otkloniti u najkraćem mogućem roku i obavijestiti učesnika.

2) Svi eventualni sporovi između Organizatora i učesnika odnosno dobitnika rješavat će se sporazumno.

3) U slučaju da spor nije moguće riješiti sporazumno, isti rješava materijalno nadležni sud u Sarajevu.

Dana 13. 06. 2025. godine, u Mostaru

degordian BH d.o.o.

Broj protokola: 06/25

Broj rješenja: UP-05-12-1-624/25